



Notat

Emne: Regelverk for fond

Saksbehandlar: Økonomisjef/Sveinung Kvamme

Vår referanse: 19/438 - 19/7078 / FE-150

Dato: 30.04.2019

Av budsjettvedtaket for 2019 går det fram at kommunestyret ønskjer at regelverket for fond skal reviderast første halvår 2019.

Fonda i balansen består av fire ulike typar fond:

1. Disposisjonsfond (fritt)
2. Bundne driftsfond
3. Ubundne investeringsfond
4. Bundne investeringsfond

Ubundne fond er fond som kommunestyret disponerer fritt. Disposisjonsfond kan også nyttast til finansiering av investeringar. Ubundne investeringfond kan i praksis berre nyttast til finansiering av investeringar. Det er ikkje høve til å føra investeringsfond attende til drift.

Bundne fond representerer midlar kommunen har motteke, og der midlane er tiltenkt eit bestemt føremål. Slike midlar kan ikkje nyttast til andre føremål, og må tilbakebetalast dersom dei ikkje vert nytta slik gjevar/utbetalar hadde tenkt.

Disposisjonsfondet er «øyremerka» av kommunestyret slik, med bokførte summar pr 30.4.2019:

Disposisjonsfond - fritt	10 961 775
Nærings- og infrastrukturfond	2 442 366
Integrering flyktningar	4 839 778
Fritids- og avlastingstilbod	203 100
Ungdomskommune 2014	64 149
Nynorskepris 2014	60 713
Omstilling ny kommune 2020	4 827 299

Ubundne investeringfond er øyremerka slik:

Kulturminnefond	1 669 373
Kulturfond	2 349 706
Kapitalfond	606 664
Friluftsområde	48 000

Etter rekneskapsreglane har kommunestyret ikkje høve til å binda midlar på fond for framtidig bruk, og øyremerkinga er såleis berre retningsgjevande. Eit nytt kommunestyre kan når som helst endra øyremerkinga.

Kommunestyret har tidlegare vedteke retningslinjer for kulturminnefondet og for næringsfondet. Formannskapet vurderte retningslinjene for næringsfondet i sak 008/2018, og kom då til at retningslinjene ikkje skulle endrast.

Statuttane for kulturminnefondet vart sist oppdatert av kommunestyret 30. mai 2013, i sak 16/13.

Rådmannen ser ikkje nokon grunn til å justera retningslinjene for desse to fonda.

For dei øvrige ubundne fonda ser ikkje rådmannen noko poeng i å skulle laga retningslinjer. Kommunestyret disponerer midlane fullt ut, og kan når som helst endra eller fjerna retningslinjer.